



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. D. Antonini Diana Panormitani, Cler. Reg. & S. Officij
in Regno Sicil. Consultoris, Practicæ Resolutiones
Lectissimorum Casuum**

Diana, Antonino

Antverpiæ, 1645

Comitia, seu Parlamentum Regni Siciliae, & Neapolis.

urn:nbn:de:hbz:466:1-41753

tract. 7. res. 18. & p. 3. tract. 4. res. 67.

25 Qui furatur propter fornicationem, non tenetur dicere se commisisse furtum ut fornicaretur, sed sufficit si dicat, *furatus sum*; & postea subiungat, *habui intentionem mœchandi*: quia malitia illius finis non est diuersa ab ea, quæ reperitur in intentione mœchandi, Nauarr. & alij 2. *ibid. res. 23.*

26 Qui confessus est peccatum, oblitus alicuius circumstantiæ, satisfacit si postea solam circumstantiam confiteatur, si commodè potest separatim explicari: v.g. qui furatus est calicem Ecclesiæ, & ex obliuione dixit tantum se furtum commisisse; in proxima confessione satisfaciet, si solum sacrilegium accuset. Suarez & alij 3. *ibid. res. 45.*

*Comitia, seu Parlamentum
Regni Sicilia, & Neapolis.*

1 **D**Onatiua quæ à Sereniss. Rege Sicilia exiuntur tertio quoque anno, ad subueniendum necessitati regni, sunt veræ impositiones necessariae, & iustæ. Suarez & alij 4. *p. 1. tr. 3. res. 1.*

2 In comitiis credendum est Regi affirmanti se esse in necessitate, nisi moraliter

94 *Comitia, seu Parliament.*

raliter constet de contrario. Menoch.
& alij. *ibid* ref. 11.

3 Quando Vasalli, & Communitates
sunt multum oneratae, tunc potest Prin-
ceps suspendere pensiones, cōcessionēs,
ipsasque etiam tollere; quia publicum
commodum privato est anteferendū.
Aponte & Valenzuola *ibid*. ref. 14.

4 Non potest Rex imponere noua
tributa regno Siciliae ob causas necessa-
rias de iure communi tantum: propter
priuilegia ei concessa *ibid*. ref. 15.

5 Si populus onus tributi ferre non
potest, non tenentur Barones & regni
proceres contribuere; quia tenentur
ad seruitium militare. Valenzuola *ibid*.
resol. 26.

6 Donatium per aliquot annos du-
raturum, non potest nunc pro tunc
ad alios annos prorogari, propter in-
commoda quae interuenire possunt. Va-
lenzuola *ibid* ref. 24.

7 Conuocati ad Comitia Prouincialia,
non possunt donatium offerre Prore-
gi sine licentiâ Regis: & quando offer-
turi etiam cum licentiâ Regis, debet fieri
ex consensu omnium congregatorum,
nec sufficit consensus maioris partis.
Barbosa & alij 4 *ibid*. ref. 29.

8 Exteri

8 Exteri in Parlamento rarò sunt inter Regnicolas admittendi, aut ad beneficia, & dignitates Ecclesiasticas: quia indigenæ maiorem curam gerunt suarum Ecclesiarum, & magis in iis resident, quàm exteri. Barbosa & alij. 18. *ibid. ref. 6.*

9 Possunt plures Vniuersitates, & Barones regni constituere vnum, aut alterum procuratorem, quos nouerint esse timoratae conscientiae, vt intrent in Parlamentum. Aponte *ibid. ref. 7.*

10 Procuratores in Comitibus non debent sedere eo loco, quem eorum Barones occuparent, si adessent. Aponte *ibid. ref. 28.*

11 Procuratores Communitatum, & alij intrantes in Parlamentum, debent proponere id quod spectat ad commune bonum, licet ab eo qui praest non proponatur. Molfes. *ibid. ref. 9.*

12 Qui intrat in Parlamentum tamquam Procurator, non debet rogatus substituere alium procuratorem, quia hoc cedit in damnum regni *ibid. ref. 3.*

13 Qui ingreditur Comitibus vt Baro, & vt Procurator alicuius Communitatis, si habet rationes probabiles in vtramque partem, potest dare suffragium affirmatiuum, & negatiuum; id tamen ra-

96 *Comitia, seu Parlament.*

rò contigit. Aponte *ibid. ref. 10.*

14 In Comitibus seu Parlamento postquam numerus sufficiens suffragatus est pro re iniustâ, si quis postea pro eadem re det suffragium, peccat quidem mortaliter, sed non tenetur ad restitutionem: quia nō cooperatur ad damnum. Vasq. & alij 14. Qui verò priore loco sententiam dixit pro re iniustâ, tenetur damnū resarcire cuius est causa, etiam si sciret sequentes in eandem sententiam ituros. Vasq. & alij 8. *ibid. ref. 16 & 17.*

15 Quando per occulta suffragia lata est iniusta sententia, & dubitas an tuum suffragium fuerit efficax causa damni, an verò ex posterioribus, post sufficientem iam numerum ad cōcludendum, etsi peccasti, non teneris restituere, quia es in possessione. Gordō. p. 4. tr. 3. ref. 61.

16 Qui subscribit sententiæ à maiori parte Comitiorum conclusæ, cum ipse contrarium suffragium dederit, si sententia euidenter est iniusta, peccat mortaliter. Malderiaga. p. 1. tr. 3. ref. 30.

17 Quando quis certò scit in Comitibus pro re iniustâ concludendum à maiori parte, potest illo die abesse à Comitibus, nisi speret suum suffragium profuturum. Ledesm. & alij 2. At quādo omnium

omnium suffragia debent concurrere ad concludendum, nullus potest abesse: quia potest vnus suo calculo iniustam conclusionem impedire. Garbias & alij 4. *ibid.* ref. 18. & 19.

Concionari.

1 **N**on est peccatum, concionari in peccato mortali occulto, sed tantum in publico: quia actus concionandi non est consecratus, neque ex sua natura, neque ex institutione Ecclesiae, neque certo ordini deputatus. Idem dicendum est de Lectore sacrae Theologiae, & Scripturae, modò absit scandalum. Suarez & alij 3 *p. 3. tr. 4. ref. 197.*

2 Non est necesse Regulares approbari ab Episcopo in ordine ad conciones. Barbof. & alij 3. *p. 4. tr. 4. ref. 22.* Quin & contradicente Episcopo concionari possunt in suis Ecclesiis. Barbof. & alij. *p. 3. tr. 2. ref. 58.* Imò etsi in alienis Ecclesiis sine Episcopi licentiâ concionentur, non possunt tamen ab ipso puniri, sed à suis Superioribus. Rodriq. & alij 2. ex declaratione Cardinal. dum autem Episcopi licentiam illam concedunt, non habent ius Regulares examinandi, iuxta Conc. Trident. Henriq. & alij 7. praxis

G

tamen